



論語集益

林信校點

軋



1005
1-2
清國子惺介先生編纂
日本林櫟窗先生校點

論語集益

擁書城
光風社
博聞社

東京

四書集益序

明王烏傷曰。經者載道之文。文之至也。李
性學曰。易詩書儀禮春秋論孟學庸。皆聖
賢明道經世之書。雖非爲作文設。而千万
世文章從是出焉。信矣。二家之言。漢唐諸
公於文也。皆莫不原經典。然而其專論文





四書集益 論語
者以蘓老泉爲始。老泉批孟子。謝疊山評檀弓。或疑其假托。然流傳旣久。爾後陳明卿五經統宗。張惕菴四書翼注。論文等。皆倣之。而于惺介四書集益。最爲詳核。夫文脉不晰。則理義不精。欲精理義。則宜晰文脉。故施批圈。以標舉其句法章法。又闡其

布置間架。抑揚頓挫之微。則言論緩急。意味厚薄。灼然可觀。如集益是也。此書舶載。綦希。林君櫟窗偶獲之。捐貲校刊。嗟乎其用心。與世之競新射利者。逕庭。讀者亦能玩文以進乎道。其庶幾矣。

明治十八年三月

省軒龜谷行撰



Faded vertical text columns, likely bleed-through from the reverse side of the page.

論語序說

日本

林信櫟窗校點

上論首語學蓋持身之大務也下論首論禮樂蓋持世之大務也總是聖賢帝王相傳之要故以堯且篇終之堯曰一篇見洙泗之傳即唐虞三代之統也諸弟子多問仁問孝則仁孝為聖門學脈無疑聖人教人不外學術事功兩端所載問仁言學術問政言事功二者相表裏語仁曰天下歸曰能行於天下曰事大夫之賢

史記世家曰孔子名丘字仲尼其先宋人父叔梁紇母顏氏以魯襄公二十二年庚戌之歲十一月庚子生孔子於魯昌平鄉陬邑為兒嬉戲常陳俎豆設禮容及長為委吏料量平為司職吏畜蕃息適周問禮於老子既反而弟子益進昭公二十五年甲申孔子年三十五而昭公奔齊魯亂於是適齊為高昭子家臣以通乎景公公欲封以尼谿之田晏嬰不可公惑之孔子遂行反乎魯定公元年壬辰孔子年四十三而季氏強僭其臣陽虎作亂專

者夷狄不棄何常外
事功以言學術乎語
政曰無倦以忠曰道
之以德曰先勞無倦
何常外學術以為事
功乎若異端崇虛寂
刑名專法令則背聖
賢合一之訓
二十篇不外一箇仁
理只在日用行上
用功夫何嘗有一高
遠話
論語者皆論之所可
及語之所能至非高
遠難行也
論語言仁每與智對
孟子論仁每與義對
要之智亦仁之是明
義亦仁中之時措

諸弟子問仁問知未
嘗問義然識得知之
用即達時宜又何必
問義夫子告樊遲問
知曰務民之義則於
知處言義矣且喻義
尚義不一而足至愛
禮問禮之禮主信及
無信諸說足論語一
書於仁義禮知信之
道備矣
先輩云二十篇只是
一箇學字諸子在聖
門只從事此學學非
詞章聞見之謂乃心
體純潛之學也
夫子稱無求安飽敏
慎就正為好學子夏
以自知所亡月無忘
所能為好學意者有

政故孔子不仕而退脩詩書禮樂弟子彌衆九年
庚子孔子年五十一公山不狃以費畔季氏召孔
子欲往而卒不行定公以孔子為中都宰一年四
方則之遂為司空又為大司寇十年辛丑相定公
會齊侯于夾谷齊人歸魯侵地十二年癸卯使仲
由為季氏宰墮三都收其甲兵孟氏不肯墮成圍
之不克十四年乙巳孔子年五十六攝行相事誅
少正卯與聞國政三月魯國大治齊人歸女樂以
沮之季桓子受之郊又不致膳俎於大夫孔子行
適衛主於子路妻兄顏濁鄒家適陳過匡匡人以

為陽虎而拘之既解還衛主蘧伯玉家見南子去
適宋司馬桓魋欲殺之又去適陳主司城貞子家
居三歲而反於衛靈公不能用晉趙氏家臣佛肸
以中牟畔召孔子孔子欲往亦不果將西見趙簡
子至河而反又主蘧伯玉家靈公問陳不對而行
復如陳季桓子卒遺言謂康子必召孔子其臣止
之康子乃召冉求孔子如蔡及葉楚昭王將以書
社地封孔子令尹子西不可乃止又反乎衛時靈
公已卒衛君輒欲得孔子為政而冉求為季氏將
與齊戰有功康子乃召孔子而孔子歸魯實哀公

知無忘其敏事意乎。
 敏事云者。惟顏子之不惰不違似之。其簞瓢無求飽也。陋巷無求安也。時時潛心仲尼正有道也。信乎顏子之稱好學也。吾儒莫認差學字。可以言孔顏真傳。
 孔子之疏水曲肱。顏之簞瓢陋巷。其樂同也。
 二十篇或記者隨事隨言而記之。惟首以人不知而不愠。末以不知命無以為君子兩相照應。
 蓋不知命必愠於人。不知安能時習而

之十一年丁巳。而孔子年六十八矣。然魯終不能用孔子。孔子亦不求仕。乃敘書傳禮記。刪詩正樂。序易象繫象說卦文言。弟子蓋三千焉。身通六藝者七十二人。十四年庚申。魯西狩獲麟。孔子作春秋。明年辛酉。子路死於衛。十六年壬戌。四月己丑。孔子卒。年七十三。葬魯城北泗上。弟子皆服心喪三年而去。惟子貢廬於家上。凡六年。孔子生鯉字伯魚。先卒。伯魚生伋。字子思。作中庸。
 何氏曰。魯論語二十篇。齊論語別有問王知道。凡二十二篇。其二十篇中。章句頗多於魯論。古論出孔

悅以為君子乎。夫子之怨尤自能下學。上達此知命所以為君子。時習所以悅也。以上並見心知錄。

氏壁中。分堯曰下章。子張問以為一篇。有兩子張。凡二十一篇。篇次不與齊魯論同。
 程子曰。論語之書。成於有子曾子之門人。故其書獨二子以子稱。
 程子曰。讀論語。有讀了全然無事者。有讀了後其中得一兩句喜者。有讀了後知好之者。有讀了後直有不知手之舞之足之蹈之者。
 程子曰。今人不會讀書。如讀論語。未讀時是此等人。讀了後又只是此等人。便是不會讀。
 程子曰。願自十七八。讀論語。當時已曉文義。讀之愈

久但覺意味深長。

[Faint bleed-through text from the reverse side of the page]

四書集益卷三

金壇後學于光華編次

論語讀

金壇蔡 泳閱

古歛後學 吳應達 吳雲 校訂

學而第一 凡十六章

非宿中極渾淪委婉
中極嚴證

說自住不得便是
不知不愠根源

子曰學而時習之不亦說乎有朋自遠方來不亦樂乎
人不知而不愠不亦君子乎
此章是三疊語不是三平
語工夫全在首一句下二

節不過抽出言
以足其意耳
何曰善者所性固有之善也復其初者復其性也性
有五而仁統四者故下章言仁仁之施以親親為大
故為仁必求端於孝弟合內外皆誠然後
復其性故三章戒巧令義理自絲貫繩連
首節而字承上末節而字折下三不亦乎令人自思
有指點活潑之妙宜深味
心知錄註中
信是平日

按此看書法亦是師長講書法師長為生徒講書將經書中義理可通者觸類引伸是一是二分別講合攏講則義理愈明書旨愈透坐徒心寡自日益而日開矣

指點有神
八字即仁
好字正從心苗極
微處指出○犯上

信得我之學從便有終身共學意○
人字兼指眾人上而君大夫皆是○
首節不亦乎三字從上而字一折來二節不亦乎三字在有字自字內生出人不知三字重讀而字轉下方有力不亦乎三字

亦從而字內看出
吳蘇亭曰便把學而章羸論看書法看這一箇學字是兩論開頭第一義包括萬有在此一字時字在中庸為須臾須臾不可離就是時習在書經便是惟學遜志務時敏在易經即君子以自強不息在天即行健六位時成在夫子自家即發憤忘食為之不厭有朋節在易即麗澤兌君子以講習在詩即求其友聲是在夫子即諷人不倦不怨天不尤人凡看書須貫通是而無悶在夫子即不怨天不尤人凡看書須貫通融會纔得
餘類推

有子曰其為人也孝弟而好犯上者鮮矣不好犯上而好作亂者未之有也君子務本本立而道生孝弟也者

其為仁之本與

凡在已上者皆是也者其與四字低徊唱歎無限提撕

或問仁者五常之首而包四者側隱之體而貫四端故仁之為義偏言之則曰愛之理此章孝弟為仁之本是也專言之則曰心之德下章所謂巧言令色鮮矣仁是也其實愛之理所以為心之德是以聖門之學必以求仁為要而語其所以為行之者則必以孝弟為先論其所以為賊之者則必以巧言令色為甚記語者所以列二章於首章之次欲學者知仁為急而識其所當務與其所以戒也
心知錄上節是孝弟遠於不仁下節是孝弟可以為仁道即仁之全處孝弟即仁之真實處○也者其與四字是有子想像孝弟不盡妙處至仁為孝弟之本一層章內原無此意不必添入
子曰巧言令色鮮矣仁
王恕菴曰此仁字不可講得太深當與博學篤志章求其放心章參看博學篤志切問近思未便是仁但心不外馳仁已在其中求其放心亦未便是仁但捨此心便操存有此是夫子要巧令者猛省不可

李云不務本也七字三折嚴而婉何等簡妙
倒鮮矣二字在仁上便令人骨悚
閱曰仁體難明反看

便透此是夫子指點
反照法與剛毅木訥
近仁對勘
張錫菴曰巧令字面
細是裝仁者之言色
欲入以為仁者也

吾字一頓○總領一
句下分疏順綱體
動若婉切有意味有
聲調

致飾於外。收心在腔子裏。以為存養省察之本。非謂
求仁者。只不巧言令色便了也。若仁字深論。與痛斥
巧令者。不仁。皆非解
矣。仁三字喚醒神理。
何曰。此與下章連類。記極有深意。正是提撕教人加
之省察。切已反求。從言貌細微處。實下手做工夫。起
不是汗漫。
觀入之法。

曾子曰。吾日三省吾身。為人謀而不忠乎。與朋友交而
不信乎。傳不習乎。

自知工夫。是曾子真面目。三乎字。疊得連綿不斷。沉
吟反復。意。兩吾字。煞甚森嚴。三不字。三乎字。正是
猛省處。不是疑猜。此皆他人易忽之處。工
夫無所遺。大者可知也。三不字。極包括周備。
心知錄。三者之序。則又以忠信為傳習之本。如則以
學文。就有道而正焉。都是上文先說一個根本。而後
說講學。故主忠信為固學
之本。一篇之中。三致意焉。

簡括古今經濟○五
事本列兩而字連屬

句法○三句五事或
作層遞串說或作顛
倒互說凡聖人語言
縱橫上下。微始微終
一語包函萬象。何況
本節只須理通。恁地
俱可。

都是培養本心工
夫。力字宜著眼
李云。教弟子務道。此
章輔以孝經小學章
蒙須知四禮習其
節目之詳。庶成人有
德。小子有造。
閑云。此是去驕習惰
法。一部小學底本。
閑云。此為言外入倫
言學問者立一條禁

子曰。道千乘之國。敬事而信。節用而愛人。使民以時。

錄上二句。兩而字。原是一串。敬中原有信。然亦有矜持
太過。利害動心。更改修忽。不能信者。故又須信於民。此
是本身徵民。交際處。節如非飲食之類。原存以為愛人
地。然心上到底有儉嗇意。恐民有疾苦。不能周恤。庸有
不被其澤者。故又須愛人。此是損上益下。交際
處。使民又從愛人。內抽出。使民義也。以時。仁也。

子曰。弟子入則孝。出則弟。謹而信。汎愛衆而親仁。行有
餘力。則以學文。

此六事。然
後學文也。
以大學通之。孝弟是齊家胎子。謹信等是脩身胎子。
學文是格致胎子。以九經通之。孝弟是親。謹信是
脩身。汎愛是子來柔懷。親仁是尊賢敬體
胎子。雖小學之事。大學之道。已基於此矣。

子夏曰。賢賢易色。事父母能竭其力。事君能致其身。與

朋友交言而有信。雖曰未學，吾必謂之學矣。

關係非小。賢賢苟俱是現成口吻。雖曰必謂抑揚其詞。意在言外。

能盡倫。便是庸行。滿其分量。即到聖賢地位。除却倫常。更無為學道理。人曰未學。以其無學之文也。吾必謂學之理也。其同。

子曰：君子不重則不威，學則不固。主忠信，無友不如己者。過則勿憚改。

閑曰：內外夾持。無一參漏。方是固字神理。以忠信串貫實心實事。不外一誠人。一不誠則威重不免。色莊擇友未必崇實。改過未必真改。以固學二字貫首節學之其義。節尤學之本。三節恐入累我學。四節恐自累其學。○重威禮也。忠信仁也。友賢智也。改過勇。

何曰：首節收其放心。次節養其德性。三節兼致之。務未節舉力行之要。○此章次於子夏論學之後。蓋能以盡倫為本。則雖得之生質者多。而不得謂之學。若不能居敬存誠。遷善改過。切已用力。雖嘗學之。亦浮游而無實之功。已。○朱子答章。雖云為學。約而易操者。莫如敬。敬則凡病皆可去。如不重則威章。敬是總腦。不渾在散句裏。必敬而後能不輕。如主忠信。亦先因敬。不敬則誕謾而已。何以主之。合之。鄭文相所錄。四者皆是身脩之要。就其中。主敬又是最要。若不主忠信。便正衣冠。尊瞻視。只是色莊一條。

也。首脩之道。豈外是哉。

此章之義。乃備纂大全者。專取後一條。故近日作文四柱之外。僅知主忠信。向當重。而於首節變化氣質工夫。殊少理會。又豈程子所謂未至於誠則敬。然後誠之次第耶。南軒曰：學以重為先。嚴於外也。忠信者存乎中者也。存中以制外。嚴於外。所以保其中也。而資乎中者。改過以成之。君子之學。不越於是矣。參觀此說。則四節之輕重自明。

曾子曰：慎終追遠，民德歸厚矣。此指公卿大夫。有化。

歸字妙矣。字深情無限。須認得夫子。

子禽問於子貢曰：夫子至於是邦也，必聞其政。求之與，抑與之與。子貢曰：夫子溫良恭儉讓，以得之。夫子之求之也，其諸異乎人之求之與。看出夫子向旁觀心。目中。

五字從無可形容處。形容出來。隨問隨答。筆意幽折。夫子之求二句。不過形容得之之妙耳。原是鏡花水月。就夫子上想。其神妙莫測。不必把。

看出邦君心目中夫子。以得之。以字一顛倒。便沾滯。似夫子之巧於求矣。異乎人之求。只重。在所以得上。想其神妙。

他人來比擬。
三與字呼應以得之
橫擔。

無改是哀痛心
腸不能已
道猶事也

辨和不辨禮

有所不行。喚起下二
句亦不可行也。與不
行相應。
張云亦不可行語意
全對。子桑伯子原壞
一輩說話。

須是平日講究這
道理始得。
親貼人說以道言不
以情言。
此與曾子曰省高
意皆是移下一層於
人所易忽處留心檢
點。

三層層進層一
氣急下寫出一好字
來。
何曰金云。繁事三
字。截斷前後總攝入
此三字而字直貫下
句亦佳。徐思曠文如
此。

四書集注

論語

七

述朱聖賢說話。各有地頭。後學說書。亦當各顧本旨。
如要見聖人全體。自當如子溫而厲章。而夫子之感
動邦君。却在光輝接人處。況為子禽淺人說。尤不
必說深也。子溫而厲章。固見聖人中和氣象。而此五
者。接人亦未始非中和氣象也。
須識得窺豹一斑。便見全體。

子曰父在觀其志。父沒觀其行。三年無改於父之道。可
謂孝矣。此指當時卿大夫其親始沒。即

有子曰禮之用和為貴。先王之道斯為美。小大由之。有

所不行。知和而不知禮節之亦不可行也。和病不在知

和。註。先王之正道。道字即禮字。

禮。自統其禮字節之自然順適處。即是和。離節是流。不是和。
便不是禮。如
何叫是做行禮。

有子曰信近於義。言可復也。恭近於禮。遠恥辱也。因不
失其親。亦可宗也。

滙參因仍苟且四字。只是一且字。其始曰且如此。則
後有不可勝悔者矣。故與其悔於終。孰若謹之於始。
心知錄。從下三句反面想起。方令人神悚。轉頭尋向
正路。○二可字。玩味語氣。皆是不及。檢點時。教人檢
點。謹始之道。惟至。斷無有妄言妄行。妄交。而其扼要
尤在致知。知至。斷無有妄言妄行。妄交。而其扼要

子曰君子食無求飽。居無求安。敏於事而慎於言。就有
道而正焉。可謂好學也已。

心知錄。敏與好緊相呼應。惟其好。是以敏。因其敏。可
想其好。三層一氣貫下。不求安飽。全副精神。注在事
上。惟其敏。事言自不敢妄發。猶難以之自信。又必
所敏就正有道。好字是敏字根源。敏字是好字寫照。
無求慎言就正。須三
齊打入此二字中。

四書集注

論語讀一

八

全是悟項
條辨子貢兩而字是
粗定貧富說夫子兩
而字是脫開貧富說
貧而只是樂富而只
是好禮難了貧富這
樂與好禮自在即值
了貧富未嘗增添得
些子。
無語驕樂好禮便是
學問引詩只擴得一
步耳不得但云子貢
因處境之道而悟發
學問之功也。
患不已知切中學者
心病。
何云兩截各開說。

子貢曰貧而無諂富而無驕何如子曰可也未若貧而
樂富而好禮者也子貢曰詩云如切如磋如琢如磨其
斯之謂與子曰賜也始可與言詩已矣告諸往而知來
者究竟

子貢先有義理無窮學難自足在胸中適有如切如
磋二語相脗合遂衝口而出其斯之謂猶言義理無
窮學難自足在在有二可也未若之境象在在有一
未若求若之工夫與。若如俗解其斯可也未若之
謂是沾滞在貧富上
矣添在在二字妙。

子曰不患人之不已知患不知人也治不可分心也
知人不在已外是脩身第一要事
即是治天下第一要事然而難矣。
語類論語上如此言者有三不患人之不知患其不
能也不患莫已求知為可知也聖人之詞雖若同而

其意皆別患其不能者言患我有不能於道求為
可知者當自求可知之實然後人自知之雖然如此
亦不是為昭灼之
行以期中之必知。

為政第二 四章 二十

子曰為政以德譬如北辰居其所而眾星共之

子曰詩三百一言以蔽之曰思無邪

此是贊作詩者以正大之情立勸懲之法可以感發
可以懲創一篇有一思無邪三百篇只一思無邪要
使讀詩者思無邪自在言外。

子曰道之以政齊之以刑民免而無恥道之以德齊之
以禮有恥且格

恥字最喫緊無恥有恥兩相激射進以且格為欲動
之詞以見為治者宜審所尚也。到得有恥自無不

首句是現成象物圖
句折開不得層層不
得為政二字一頓
張云此夫子刪詩後
下一斷語一言先王
以詩立教之旨一示
小子以詩之功用如
此所以作于午定盤
針也。
此為當時專用政刑
者發。
兩扇淺深

孔子年譜後人心

此章六個而字節節着精神聖人自道語全在此計分曉。而字前有實地工夫在故朱註於夾縫中層層神出。矩字尤此章之要前此層層等級中都有一个矩在。閱云耳順二字甚奇然非聖人之耳獨順人自逆之耳。

無違一語渾淪包裹註中理字未便說明

格且字須善會。

子曰吾十有五而志于學三十而立四十而不惑五十而知天命六十而耳順七十而從心所欲不踰矩

心知錄志字直貫終身。學即時習之學不知老之將至。從心亦非往足處。設兩極未夢必更有一語。○境遇之順逆。物情之反覆。何一不周知於心。何至以顯而微。亦神而隱。誰其知之。非深於易者不能。雖命較之。無息者不能。體易。夫子五十學易。故能知得。非半截是樂人。甘苦交。全在五十。真一大關鍵也。然自十五便是學。為聖人。卒如其願。始終只一學人。有志者事竟成。我輩壞事。總在不立志耳。

孟懿子問孝子曰無違樊遲御子告之曰孟孫問孝於

御雖偶然還是漆心所致

拈出禮字暗切名分

對面語

一句一折痛切之意。字字發人猛省。心知錄敬便是孝無兩層拈出敬字孝之精神全體見矣。孟懿子四章幾諫三章即此便是孝經。

抑揚頓挫宛轉關生

我對曰無違樊遲曰何謂也子曰生事之以禮死葬之以禮祭之以禮此四句凡為人子者都不可易不獨懿子也

孟武伯問孝子曰父母唯其疾之憂

子游問孝子曰今之孝者是謂能養至於犬馬皆能有

養不敬何以別乎至於二字所該甚廣上自骨何曰敬只在養內如曾子必請所與必曰有兩必字即是敬即是至處

子夏問孝子曰色難有事弟子服其勞有酒食先生饌

曾是以為孝乎

問孝四章答雖不同而意則一各欲其於性情上覺察不使之偏勝則其孝皆平正而無病矣

子曰吾與回言終日不違如愚退而省其私亦足以發

聖人却又互用下三字。兩兩對勘。非以周尚疑其為比。正以不比。乃益見其周欲學者力爭乎毫釐之間。深明於疑似之際也。和同驕泰。皆作如是觀。

子曰。學而不思則罔。思而不學則殆。

子曰。攻乎異端。斯害也已。害字指害於正道說。

子曰。田誨。女知之乎。知之為知。不知為不知。是知也。

子張學于祿。子曰。多聞闕疑。慎言其餘。則寡尤。多見闕

殆。慎行其餘。則寡悔。言寡尤。行寡悔。祿在其中矣。字作。殆。字作。闕。字作。疑。字作。慎。字作。言。字作。其餘。字作。則。字作。寡。字作。尤。字作。多。字作。見。字作。闕。

夫子說得極小心。極平實。不曰無而曰寡。謂如是用力而後僅得寡。以見寡尤悔之難。兩則字甚鄭重。

哀公問曰。何為則民服。孔子對曰。舉直錯諸枉。則民服。

舉枉錯諸直。則民不服。

分言其病。正是對下其藥。

玩二端字。直從其微處護之。

頂門一針。

是字直指上兩為字。學字宜一小頓。平祿是記者摹擬詞。

夫子實欲哀公去三桓杜私黨故特說錯枉字。

使字是欲齊之以刑。去子只是道之以德。所說須切。卿大夫分上。

惟孝讀

人字以字着眼

聖人觀百世如旦暮。

季康子問。使民敬。忠。以勸。如之何。子曰。臨之以莊。則敬。

孝。慈。則忠。舉善而教。不能則勸。

義府。康子之問。病在一使字。夫子之答。精神在三則字。康子求之。影與響者也。夫子教以求之。形與聲耳。

或謂孔子曰。子奚不為政。子曰。書云。孝乎。惟孝友于兄。

弟。施於有政。是亦為政。奚其為為政。

孝友即是政。施於一家。即是為政。又委婉。又直截。

子曰。人而無信。不知其可也。大車無輓。小車無軌。其何

以行之哉。心知錄。影語。輓。軌。是車與牛馬聯屬物。信是已與人聯屬處。妙妙。

子張問。十世可知也。子曰。殷因於夏禮。所損益可知也。

周因於殷禮。所損益可知也。其或繼周者。雖百世可知

殷因於夏禮所損益
八字為何所字緊根
因字來

無勇者必詔

舒云季氏八佾七字
是書注連孔子謂為
句特提出孔子謂三
字者一以上對天王

四書集益

論語

三

也

何曰子張所欲知者不是今日風明日雨蓋以世變
無窮則治道容有難定者將欲立百王之法
竟何所守故問之若湯武革命去舊而新政宜
繼世者其道同也若湯武革命去舊而新政宜
若之舊不知者矣然大經大法固不外乎夏
行之變雖無窮而規模大小損益而已觀往
天地相終始可也又何所不可知哉

子曰非其鬼而祭之詔也見義不為無勇也舒曰此章
各開說樊

遲問知意雖偶與此合彼全要明哲見理此止就妄祭
斷其詔諉靡斷其無勇非責他見理不明知義不真也

八佾第三 凡二十
六章

孔子謂季氏八佾舞於庭是可忍也孰不可忍也

三家者以雍徹子曰相維辟公天子穆穆奚取於三家

動欽凜之志以記
書聖氏落奸臣之膽
此春秋法也

兩不仁推明忍字之
義兩如何推明奚取
之義

放非不知水夫子非
不言本兩人商量救
世深心要觀得破

可憐○春秋之所以
作也

一片渡心
嗚呼二字一頓聲
魄矣

之堂就舞佾動他悚惕之心就歌詩提醒他羞惡之
心不把名分與較全從心中鉤剔熱挑○看一忍
字一取字是攻其一點良心莫其改圖不止譏僭竊也

子曰人而不仁如禮何人而不仁如樂何張曰方文翰云前章怒罵此章嬉笑甚得神情

林放問禮之本子曰大哉問禮與其奢也寧儉喪與其

易也寧戚抽出喪禮之本與上句不作一例看

子曰夷狄之有君不如諸夏之亡也張曰有君無君指
臣子說春秋時如

魯三桓晉六卿齊崔慶陳恆之類夷狄有君如戎子駒支潞子嬰兒之類

季氏旅於泰山子謂冉有曰女弗能救與對曰不能子

曰嗚呼曾謂泰山不如林放乎聲銷意盡打○開○後○聲○

四書集益

論語

七

李愆言此不是論射是即射以見必爭之所而君子仍無爭也或問云是其所謂君子者亦有君子之心云耳括出心字極當著眼

就詩論詩○後字解上為字○禮後可是悟語不是問語

三吾能三不足頓挫跌宕無限深情末語

非其鬼而祭之謂也。謂季氏也。見義不為無勇也。謂冉有也。

子曰君子無所爭必也射乎揖讓而升下而飲其爭也君子也。句了無所爭

君子於事之可否。理之是非。亦必辨正。以敬讓行之。非立異也。何爭之有。夫子說無所爭。然人疑君子一味退讓。故就射看君子。而敬讓徹底不改。所以不可及。正當與矜而不爭。和而不同。一例看。

子夏問曰。巧笑倩兮。美目盼兮。素以為絢兮。何謂也。子曰。繪事後素。曰。禮後乎。子曰。起予者商也。始可與言詩已矣。論詩而須抱定上文繪事後素。講出禮後來方切。因

若於何謂之問。便有重素意。不見點化之神。悟境之妙。子曰。夏禮吾能言之。杞不足徵也。殷禮吾能言之。宋不

仍是嘆其不足

詞婉神傷

已與言禘之說矣

不王不禘二段是夫子意中事。不可作夫子口中語。

三如字相應

足徵也。文獻不足故也。足則吾能徵之矣。

把宋不足徵。此宣尼意中語。原不論杞宋末語。無限咨嗟。

子曰。禘自既灌而往者。吾不欲觀之矣。不曰魯之禘。是

不曰禘之灌。而曰禘自既灌而往。是未灌方灌時。猶有可觀。庸人不恆其德。止斯須敬耳。作刺議。詆魯事者。謬

或問禘之說。子曰。不知也。知其說者之於天下也。其知

示諸斯乎。指其掌。諸斯。是知禘中實理。不待推擴。示

祭如在。祭神如神在。子曰。吾不與祭如不祭。

王孫賈問曰。與其媚於奧。寧媚於竈。何謂也。子曰。不然。

獲罪於天無所禱也。

條辨他處與其字寧字是不得已而姑取之辭。此處是酌量而得勝算之辭。他處何謂是。不知所謂而問之。辭此處是見必有所為而諷之之辭。

子曰周監於二代郁乎文哉吾從周。

何曰吾從。不過詠歎周文之盛。與中庸殊別。入手即提從字者非也。周文之盛。全由監二代來。二代擡得高。則郁郁益有精神矣。第二句亦不可截斷。講得三句從日用躬行上體貼。方是實事。亦不可概指國家典章。

子入太廟每事問。或曰孰謂鄒人之子知禮乎。入太廟每事問。子聞之曰是禮也。

子曰射不主皮。為力不同科。古之道也。

此是夫子自表其憲章之心。

是字指每事問。所以明禮意之所存。不為知字分解妙。今則何如。

一欲字有無限深情。與兩愛字相闕。是辨禮不是辨語。嘆絕。

正音

此言作詩之人

不說之說。不諫之諫。不答之答。

子貢欲去告朔之餼羊。子曰賜也。爾愛其羊。我愛其禮。

子曰事君盡禮。人以為諂也。

定公問君使臣。臣事君。如之何。孔子對曰。君使臣以禮。

臣事君以忠。寧矣。須從大本上說。勿入俗腸報施之詞。

子曰關雎樂而不淫。哀而不傷。

凌仲遠曰。樂淫哀傷。就初發時。源頭便已差別。非哀樂之過。而後為淫傷也。此中存養省察。非我中致和。其孰能之。故聖人舉關雎以示則。特為持情者指點。若沾沾就一詩。拘泥官人之言。分別后妃文王之德。所謂作詩必此詩。定知非詩人矣。

哀公問社於宰我。宰我对曰。夏后氏以松。殷人以柏。周人以栗。曰。使民戰栗。子聞之曰。成事不說。遂事不諫。既

具眼 數息之責其本

二段與土器小不粘而粘

大其功為天下幸小其器為管仲惜奢而犯禮正器小中發出來的病症夫子非直以二事証器小也但從二事看亦見他器小處

審音以知樂可知正在數如字上見

往不咎

子曰管仲之器小哉或曰管仲儉乎曰管氏有三歸官

事不攝焉得儉然則管仲知禮乎曰邦君樹塞門管氏

亦樹塞門邦君為兩君之好有反坫管氏亦有反坫管

氏而知禮孰不知禮言非說管仲四字截斷或人後

何曰管仲本賢大夫只是學問粗不曾謹小慎微便

不知不覺流入於侈僭後生敘兩節中事都似他極

意要如此這便是三家了此亂臣賊子何止器小哉

則始終不知亦不能問也

子語魯大師樂曰樂其可知也始作翕如也從之純如也皦如也繹如也以成

何曰此是正樂之本能備此則無殘缺失次矣以成內須透此旨外註謝氏云按樂之始作只有人聲與鐘聲琴瑟耳言五音六律上蔡不知考於八也從之只是笙入時亦可云八音克諧人聲與八音如一清濁高下四字到皦如內方可用繹如則清濁高下之相生如珠貫也時文輒入旋相為官等語亦謬此只論音聲也

與衆隱不同

儀封人請見曰君子之至於斯也吾未嘗不得見也從者見之出曰二三子何患於喪乎天下之無道也久矣

天將以夫子為木鐸

子謂韶盡美矣又盡善也謂武盡美矣未盡善也

征讓性反自是韶武優劣之故集註自當註明而兩

涵未便硬疏功德語上

千古隻眼

張云此是論樂不是辨聖人優劣欲學者學樂從韶樂服習以救陶情節性之効勿偏於發揚蹈厲怒為氣血所使也

以字着眼
何云無處觀他了。不
要看作餘不足觀

借証

里仁為美一語。包孕
無窮。上自士夫。下及
謀生作苦之人。皆當
奉為著蔡。

此不仁者。不是十分
無行誼之尤者。只是
好名浮慕。陽守陰違。
初處尚有自愛之心。
久則變耳。故眼目在
長久字。
精神在一惟字。○能
字從仁字。勸出
着力在三荀字。指點
處在矣字也字。

子曰居上不寬為禮不敬臨喪不哀吾何以觀之哉

里仁第四 凡二十 六章

子曰里仁為美擇不處仁焉得知此是從極淺明

何曰自一章至七章皆論仁。惟第三章是治人之事。其他皆由淺及深。自治之功。志仁無惡。誘之使進於仁也。觀過知仁。雖觀人之法。亦引之使不終棄於不仁也。

子曰不仁者不可以久處約不可以長處樂仁者安仁知者利仁上文不粘不脫妙

不仁墮落苦海安則已登彼岸利則如濟寶筏

子曰惟仁者能好人能惡人無以加莫能尚之全

子曰苟志於仁矣無惡也心知錄志者氣之帥也

不處不去兩不字壁
立千仞便是君子做
為仁工夫處

二去字緊接是血
脈

張云前後章言仁皆
勸勉之詞惟此章是
為仁正面地位一步
高一步工夫亦一節
難一節

點破真好惡無以尚
不使加便是下文一
足字樣子
力是氣能用是志

子曰富與貴是人之所欲也不以其道得之不處也貧

與賤是人之所惡也不以其道得之不去也君子去仁

惡乎成名君子無終食之間違行造次必於是顛沛必

於是

何曰惡乎二字須從君子心上作自警自問語不敢以取舍明為可恃方鞭辟得下節起蓋時時自問自警便是存養省察事也。世得云造次難在始顛沛難在終。終食猶是無事之時造次則異閑暇顛沛則又異於造次矣。

子曰我未見好仁者惡不仁者好仁者無以尚之惡不

仁者其為仁矣不使不仁者加乎其身上有能一日用其

力於仁矣乎我未見力不足者蓋有之矣我未之見也

三言未見。急切喚醒。慨想殊深。○末節反覆歎息。只是致望學者之心。不是警詞。

子曰人之過也。各於其黨。觀過斯知仁矣。

張曰。自里仁章以下。都是勉人為仁。此章是小結束。記者之意。言人若為仁。便做錯也。有可觀微意。若此。

子曰朝聞道夕死可矣。

子曰士志於道而恥惡衣惡食者未足與議也。

何曰。這志字。只是略知嚮慕之意。與述而篇不同。道字寬。朱子以為有志為學便是。

子曰君子之於天下也無適也無莫也。義之與比。義無

非是我可。比方圓變化。到處恰好。

子曰君子懷德。小人懷土。君子懷刑。小人懷惠。

四書通論語以君子小人對言。他處多指其所為。此章則指其所思。所為者行事之著。所思者心術之微。

心契

斯矣字直截分明。

不必添出不仁二字

來

人不聞道。長生何為

道即治性之道。

恥是作聖人機括。

易指者凡心難忘者

習見。○士志字須著

眼。

三也字連讀一頓

閱云。懷刑表記畏

罪者強仁亦此意。

心計巧處便有陰害。千夫所指不疾而死。害莫大焉。哀哉。

一反一正無限烟波

李氏曰。君子思量苦底。小人便思量甜底。懷土字摹擬更深。

子曰放於利而行多怨。

何曰。不能大公無我。則放利所不免也。此是已所不欲。勿施於人。在邦無怨。在家無怨。四句對面。而不可

粗看。○利與害對。不與義對。處處擇利而蹈。則害必

歸人。怨者四起。已亦歸於蹈害矣。○南軒曰。不必為

害入之事。俱處處要占。便宜。則人自有受其害者。體

貼註中欲字必字自見。○註欲利於己。只是不怨。

子曰能以禮讓為國乎。何有不能以禮讓為國如禮何。

滙參。非禮無從見讓。非讓無以為禮。禮讓字是二。是

一。能者行讓之實。而達之以文。不能者襲禮之文。而

轉。奈其不實。譬若人身。官骸徒具。而精已銷亡。實是展

不能者。歎悼之無已也。

子曰不患無位。患所以立。不患莫己知。求為可知也。

吾道二字略讀對照
夫子之道
無言語中針縫相合
處
張云此章道理最平
實以盡心之功告曾
子不是以博心之妙
示曾子曾子曰唯是
用力承當與顏子回
雖不敏請事斯語口
氣一同不是悟後語
何說最允
義利只就一事言更
為發切
劉直齋云兩句包括
天下古今萬般學術
事功人物邪正

幾諫只是個敬字
觀又敬二字可見
閑云先獨出父母在
父母之年已溥惻動
久將下文層次細讀
一片仁孝至情更沁
人肺腑
兩之字屬對調法句
法開出無限法門
張云言必顧行亦是
常事特下古者二字
為前前人易其言者
頂門一針
以約失之者五字為
句○千聖心法

雁參兩不患極斬截然又須識得下兩轉
語鞭得緊敲得實不是空空不患便了

子曰參乎吾道一以貫之曾子曰唯子出門人問曰何
謂也曾子曰夫子之道忠恕而已矣

楊維斗曰一貫忠恕前後各自豎義
又要會通合一解此旨者可與言也
何曰按曾子年甚少夫子亦示之知本使不求之汗
漫耳一唯之後正有事在非傳道已畢也其應之速
而無疑則以平日篤學事事反身切己下工夫故換
然便得其本耳後人看做通身汗下一悟百了則異
端之高者猶不肯云爾也

子曰君子喻於義小人喻於利

張曰此與懷德章神情互應彼是言情之所戀窮形
盡相劃清四項此則言識之所明只此義利兩端曉
得十分透徹故能做得十分圓成君子流芳小人貽
臭以此故耳喻義是窮理工夫言外重喻義一邊

子曰見賢思齊焉見不賢而內自省也

思省是我性靈作主賢不賢都
是借境參苓蛇虺都是藥

子曰事父母幾諫見志不從又敬不違勞而不怨

子曰父母在不遠遊遊必有方

子曰三年無改於父之道可謂孝矣

子曰父母之年不可不知也一則以喜一則以懼

子曰古者言之不出恥躬之不逮也

何曰言之不出安得有躬之不逮恥字原是虛景比
唯恐有聞更活只可於也字推原指點寓湛刻於活
潑之中一著實
講相去萬里

子曰以約失之者鮮矣

欲字着眼。着一欲字與敏事慎言等處不同。

兩斯矣宜體玩

可妻也三字內有公冶氏行實在類記。容是世卿之家故云不廢。註中謹於言語四字受用不盡。

子曰君子欲訥於言而敏於行。

何曰此章言行各開說非相顧之謂。尹氏所謂君子之志乃欲字根本也。

子曰德不孤必有鄰。鄰字是身分學問彼此相當。不

子游曰事君數斯辱矣朋友數斯疏矣。

為事君交友者開活路。政從言語之外打動至性。原非為避疏辱者計。朱子謂子游之言以儆學者。於幾微之間須說得細。

公冶長第五凡二十

子謂公冶長可妻也雖在縲絏之中非其罪也以其子

妻之子謂南容邦有道不廢邦無道免於刑戮以其兄

之子妻之。

妙贊
子賤做一尊賢取友
樣子

子貢兩問然。要。不。是。討。贊。證。亦。是。其。用。工。夫。處。

起說二語着意

子謂子賤君子哉若人魯無君子者斯焉取斯。取是主魯多賢足以供子賤之取是賓能取意已在。截中下截忽作反掉以咨嗟嘆惜之語寓嘉許洋溢之。神兩字龍鸞婉轉口角津津集註。下因以二字以賓主味之不盡。

何曰朱子云此君子亦是大概說恐子賤未能強似。子貢按此二章書不必牽連如下子行三軍則誰與章。

子路欲自質其學問不必牽連夫子獨許顏淵來也。

子貢問曰賜也何如子曰女器也曰何器也曰瑚璉也。

子貢以夫子為美玉夫子以子貢為瑚璉亦自相賞鑒而已當時天下有泣玉者誰也。

或曰雍也佞而不佞子曰焉用佞禦人以口給屢憎於

人不知其仁焉用佞。

何云被入看破所以取憎不但正人憎之即同為佞者亦憎之所謂口我口也故曰屢。

一使一說不作兩截。
何曰惟他人所不及知故開曰吾斯字即修己治人之實包括學術政典一切源流在內。

一席冷話一片熱腸。
此嘆與欲居九夷同意。
三段問答俱主仁言說才之可使正見仁之難知。
與後篇侍坐章互看。

焉用後。要看得有着落。言佞何處用之。用之身心不可。用之家國天下不可。屢憎正見佞無所用也。
子使漆彫開仕。對曰吾斯之未能信。子說。輯語。可見開心未實有所指。只一信字。可知其自求之切。只何曰。朱子曰。信者。自保得過之意。按自保得過四字。最妙。如行一不義。殺一不辜。而得天下。皆不為也。如謂虎傷者。談虎而色變。豈非自保得過之謂。夫所謂求為可知也。可字亦在自保。下學而上達。知我者過。到此方可謂能信。

子曰道不行乘桴浮于海從我者其由與子路聞之喜。
子曰由也好勇過我無所取。此皆道誼相信至深之詞。不作夫子轉身語。
孟武伯問子路仁乎。子曰不知也。又問子曰由也千乘之國可使治其賦也。不知其仁也。求也何如。子曰求也

千室之邑百乘之家可使為之宰也。不知其仁也。赤也何如。子曰赤也束帶立於朝可使與賓客言也。不知其仁也。

子謂子貢曰女與回也孰愈。對曰賜也何敢望回。回也聞一以知十。賜也聞一以知二。子曰弗知也。吾與女弗知也。

宰予晝寢。子曰朽木不可雕也。糞土之牆不可朽也。於予與。何誅。子曰始吾於人也聽其言而信其行。今吾於人也聽其言而觀其行。於予與改是。

滙叅上節是大聲疾呼。次節乃微言喚醒。再着子曰字。見夫子丁寧反覆一片婆心。正書法之妙。不必疑。

一望字便見得大相懸絕。含下知十知。

雷霆破睡
還是傲宰予
又婉又狠

張曰：聖意只是欲人以剛任道，與俗辨是因或人之對添出不並重。

閔曰：夫子既說欲仁，仁至子貢所言非我欲仁乎？何以曰非爾所及？曰：一念之仁易終身之仁難。此與顏子喟然意語氣正同，俱是深造有

以爲一
行也

子曰：吾未見剛者。或對曰：申枨。子曰：枨也慾焉得剛？

輯語：夫子突然一慨，必有指歸。而茫然難測，所以來或人之對。或人舉枨，亦必其氣象有似乎剛，所謂慾有難識者。故夫子辨之。

何曰：邵子曰：中剛則足以立事業，處患難。剛在內者也。若掩襲於外，未有不臨事忽然喪之也。以孟子集義所生節求之自見。觀物篇補注曰：內剛則無慾。此語甚好。○夫子忽然發歎，正是激人立志。註中有志無志二句，極當。觀味。○程子云：禹不矜不伐，至柔也。然乃見剛。此言與悻悻自好正相反。

子貢曰：我不欲人之加諸我也，吾亦欲無加諸人。子曰：賜也，非爾所及也。

着此。○鞭只言當下一

子貢曰：夫子之文章，可得而聞也；夫子之言性與天道，不可得而聞也。

當其可之謂時。

子曰：有聞求之能行，唯恐有聞。

子貢問曰：孔文子何以謂之文也？子曰：敏而好學，不恥下問，是以謂之文也。

文乃文雅之意，若挾其資，不親學問，便是俗吏。

子曰：臧文仲居蔡，山節藻梲，何如其知也？

子曰：晏平仲善與人交，久而敬之，乃爲後來平仲做樣。

子曰：臧文仲居蔡，山節藻梲，何如其知也？

子曰：臧文仲居蔡，山節藻梲，何如其知也？

子曰：臧文仲居蔡，山節藻梲，何如其知也？

子曰：臧文仲居蔡，山節藻梲，何如其知也？

得始知夫子善於造就人才，深贊嘆之詞。空中結撰，畫出勇行之心，爲學者用功師表。

特著相道，不但爲循定案，與入爲善。

以維友道。

冷刺：以下四章，俱是聖人微顯闡幽，處惟其似是而非，聖人說個分。

曉要入理會得

忠清二字亦是節取
未知焉得詞不迫切
意已透露

仲尼認得仁字真

正是妙用其知
兩則字兩也字全是

色舊令尹之政必以告新令尹何如子曰忠矣曰仁矣
乎曰未知焉得仁崔子弑齊君陳文子有馬十乘棄而
違之至於他邦則曰猶吾大夫崔子也違之之邦則
又曰猶吾大夫崔子也違之何如子曰清矣曰仁矣乎
曰未知焉得仁

何曰子張稱子文在二字必字上稱文子在又字上
人能勉於暫而不能勉於久故疑其仁也○未知焉
得仁與不知其仁也異直
言他何處得個仁來也

季文子三思而後行子聞之曰再斯可矣

此是論思不是論文子而文子之得失
亦在其中與前後各章論人之例自別

子曰甯武子邦有道則知邦無道則愚其知可及也其

指點神情

道不行便要傳

重慨直道之不明
不重微生之不直

愚不可及也

俞曰武子總是一樣知愚乃旁人看來如是
夫子恐人避愚而趨知故特表其不可及處

子在陳曰歸與歸與吾黨之小子狂簡斐然成章不知
所以裁之

子曰伯夷叔齊不念舊惡怨是用希

何曰此清者之量乃是聖人表幽闡微處與
孟子柳下惠不以三公章說和者之介正同

子曰孰謂微生高直或乞醢焉乞諸其鄰而與之

說統古來只為周旋世故念頭壞了少人品如微
生乞醢一事何等委曲方便却只是第二箇念頭便
非當下本念故夫子有感於其事而歎之不重
微生指點要入不向轉念去也下章巧言匿怨兩段
亦只為加了一
分周旋意思

登下左印明恥之邱亦恥之文繁不殺痛與若輩點醒羞惡之心。立心總要直張子云自願至微之為句共敝字連讀。子路所云本與顏子夫子之志是一線上事但有廣狹安勉之異耳。

欲見極矣
內字有意思

如字只當似字看如不知非較量語乃指點語。

仲弓之問子桑伯子與子貢之問伯夷叔齊同一會心。三可字一然字眼目張云此章只重釋簡不重論敬敬是臨民不易定理不消張失其詞仲弓所辨夫子所許總為此簡字字面如一來歷不同。閔云聖門不遷怒者兩人子貢曰不遷怒不深怨不錄舊罪再雍之行也。

子曰巧言令色足恭左丘明恥之丘亦恥之匿怨而友其人左丘明恥之丘亦恥之。

顏淵季路侍子曰盍各言爾志子路曰願車馬衣輕裘與朋友共敝之而無憾顏淵曰願無伐善無施勞子路曰願聞子之志子曰老者安之朋友信之少者懷之。

張曰此志字與曾皙章別彼是說事功此是說志趣聖賢志趣只是仁字程子求仁不違仁安仁如鼎之三足無可改鑄然此章却是言志不是言仁不可太露。

要看三之字據眼前道理還他不待位而後能不用心思氣力故不着願字。

子曰已矣乎吾未見能見其過而內自訟者也。有自訟神過自無停留處即此是改不必說到能改上去。

或問小註此非絕望之詞正深望人改過之意也三句須一氣讀下令人惕然深省方得聖人慨歎之情。

子曰十室之邑必有忠信如丘者焉不如丘之好學也。

雍也第六 凡二十章

子曰雍也可使南面仲弓問子桑伯子子曰可也簡仲

弓曰居敬而行簡以臨其民不亦可乎居簡而行簡無

乃大簡乎子曰雍之言然。

困勉錄子曰雍也可使南面已包居敬一節意思仲弓問伯子亦已有居敬一節意思子曰可也簡亦已

哀公問弟子孰為好學孔子對曰有顏回者好學不遷

怒不貳過不幸短命死矣今也則亡未聞好學者也。

鳥鳴山更幽

兩與之句

兩事合說見聖人變化裁成處以九百為多故辭非不受祿也

子謂仲弓四字絕句

無一字染神弓

違字至字甚有意思

可使也與語氣重致而輕才何有重才而

怒未便是已不遷處見他克已過則是已不貳處由他克已

子華使於齊冉子為其母請粟子曰與之釜請益曰與

之庾冉子與之粟五秉子曰赤之適齊也乘肥馬衣輕

裘吾聞之也君子周急不繼富原思為之宰與之粟九

百辭子曰毋以與爾鄰里鄉黨乎

記原憲一段正見周急之意耳此文餘波處竟有以辭與平對者是尚可與言古人文字也乎哉

子謂仲弓曰犁牛之子騂且角雖欲勿用山川其舍諸

提出個山川見得人情愛憎之外自有賞鑒非私意所得而貴賤者

子曰回也其心三月不違仁其餘則日月至焉而已矣

季康子問仲由可使從政也與子曰由也果於從政乎

輕政機鋒相對

聞聞如也

無限傷懷

此樂人具足只爭改與不改耳顏子不改其樂聖人樂在其中地位自別

何有曰賜也可使從政也與曰賜也達於從政乎何有
曰求也可使從政也與曰求也藝於從政乎何有
季氏使閔子騫為費宰閔子騫曰善為我辭焉如有復
我者則吾必在汶上矣

伯牛有疾子問之自牖執其手曰亡之命矣夫斯人也
而有斯疾也斯人也而有斯疾也何曰漢書楚王賢傳
成帝詔書中引此作

子曰賢哉回也一簞食一瓢飲在陋巷人不堪其憂回
不改其樂賢哉回也

劉直齋云聖賢所樂便是學者所苦非有二物○首尾兩嘆何等深情

四書集注

論語

讀一

二五

重注女為兩句添作

二事乃士品所關不應作細行看緊要在將入門

全是喪師之恥

嘆絕

再求曰非不說子之道方不足也。子曰方不足者中道而廢。今女畫。事於博道。即聖學之全體大用也。求非不從。學不足。乃指以協其矩。所謂力不足也。夫子言力不足者。乃指學業無成之謂。人求不可以之自比耳。

子謂子夏曰女為君子儒無為小人儒。

子游為武城宰。子曰女得人焉爾乎。曰有澹臺滅明者。行不由徑。非公事未嘗至於偃之室也。

子曰孟之反不伐。奔而殿。將入門策其馬曰非敢後也。馬不進也。

子曰不有祝鮀之佞而有宋朝之美難乎免於今之世矣。

好提醒

文千子曰此章文質就學者身上說言動語默威儀文詞皆是○則野則史然後君子俱就學者身上品評不必兼作三種人理會

痛快

所知所好所樂為何物三節意味是何如

中人分界道只是個上

子曰誰能出不由戶何莫由斯道也。

都是由道的夫子特喝破耳。或問何莫之云猶云何莫學夫詩耳。

子曰質勝文則野文勝質則史文質彬彬然後君子。

何曰鶴灘看質字只是質樸之意方安。須發得七分是質三分是文之意分明蓋無本不立無文不行此之謂彬彬也。觀註復存楊氏之說於圈外可以得朱子之意矣。

子曰人之生也直罔之生也幸而免。

哀莫大於心死。而身死次之。

子曰知之者不如好之者好之者不如樂之者。

子曰中人以上可以語上也中人以下不可以語上也。

樊遲問知子曰務民之義敬鬼神而遠之可謂知矣問仁曰仁者先難而後獲可謂仁矣。

卜筮稽疑亦質鬼神事不可專指祀典仁知工夫只在務民義與先難上鬼神與民對其敬而遠處正見其務民處後與先對其後獲處正見其先難處無兩層

重重設想神合體開有說不盡之意何云此意須看六個者字橫擔具眼東周之思何日忘之

一葉落而知秋一壺水而知寒可歎可歎仁者一頓雖告之曰并有入焉八字為句

何云註中陷善元板陷字作蹈字極善

收心復性 倒網

子曰知者樂水仁者樂山知者動仁者靜知者樂仁者壽閱云重言咏嘆曲盡形容

子曰齊一變至於魯魯一變至於道欄柄

子曰觚不觚觚哉觚哉從上兩觚字夾互中慨嘆

宰我問曰仁者雖告之曰井有仁焉其從之也子曰何為其然也君子可逝也不可陷也可欺也不可罔也

宰我討個絕處逢生法故設此問欲以發問仁者之不愚耳

子曰君子博學於文約之以禮亦可以弗畔矣夫

輯語博文約禮功有兩層事只一件之字即指上句又曰看顏子博我以文約我以禮既連着兩我字此

章之字亦但指其人而言非指所學之文言也此處博文約禮只是淺近說玩下弗畔句可知何曰此章不過入門人之規模顏子則由於規模而直至於成德者也雖不是兩箇然淺深大小則懸絕即如博學於文有身通六藝之文多學而識之文聞一知十之文約漢人讀曰要

子見南子子路不說夫子矢之曰予所否者天厭之天厭之

子曰中庸之為德也其至矣乎民鮮久矣

條辨中庸而係之以德則是下指理之見於事而體於身者言故朱子謂此處無過不及之意多不消更貼不偏不倚說又曰中庸下有為德字便已包有能字正在日用人倫上見程子民不興行行字正貼德字意雖中庸第三章亦用程說然却是此處正疏

一句讀下

何云分三段看

二欲字關鍵

前句說病後就說方正為此病也。閉云博施濟眾天下未必有此事。聖賢不可無此心。

夫子一生只一個述字盡之而不作。不過發明其述之意信好又發明其述而不作

四書集注

論語

二十七

子貢曰如有博施於民而能濟眾何如可謂仁乎子曰何事於仁必也聖乎堯舜其猶病諸夫仁者已欲立而立人已欲達而達人能近取譬可謂仁之方也已節只是就仁者之心指示仁之體所謂體段模樣與子貢識認末節方是教他下手做工夫處不必照講章上已藩籬終難脫化故下一能字勿輕看學者終身克治人而能行一強字之意

以已字為仁之筋骨以欲字為仁之血脉以取譬從能濟言譬可見出已近而由人遠也

述而第七凡三十五章

子曰述而不作信而好古竊比於我老彭

之意終是對歷聖作者而言述字不得泥註傳舊聞便了得擔荷道統的事須見得此中煞有體認躬行在

閉云默而識之四字將異學曲學掃蕩已盡異學專尚默曲學專尚識三句作三節看亦可蟬聯而下看亦可總之句句有着實工夫在。陸云此必聖人因省察之際自歎無欠缺之難也。學而不厭尊德性道問學聖心如造化無停機張曰此不是自謙是

述字內儘有深心厚力與作者無大分別其功轉倍於作但入夫子口氣不得只將述中艱難重大處說出信好深情功倍意自隱然言外

子曰默而識之學而不厭誨人不倦何有於我哉

文集問聖人之言各隨所在而發當時有稱夫子聖且仁者故夫子辭之不敢當因退而就夫為之不厭誨人不倦以自處此時為謙之意是辭高而就卑也及人以學而不厭誨人不倦歸之則又辭之以我所未嘗有此時為謙之意是辭有能以就無能二處之言雖相襲而意之所主各自不同曰不居仁聖已為謙矣以學不厭誨不倦為無有又謙之謙也至於事父兄公卿一節則又謙之謙也蓋聖人只見義理無窮而自已有未到處是以其言每下而益見其高也

子曰德之不脩學之不講聞義不能徙不善不能改是吾憂也是講學實際

四書集注

論語

二十八

自任。點清吾字鄭重。
夢字以身世訓為萬
世學人之標準也。
倒綱

一幅燕居圖
恭而安

閱曰莊子云至人無
夢夫子何以有夢自
誰人夢見周公此正
是至人之夢高談無
夢者祇夢化蝴蝶耳
學問階級一級密一
級。
德是道之實仁是德
之心。

鄒肇敏曰。不脩等四項。都在吾憂中討出。聖人非必
有不脩。然後為憂。蓋惟日以不脩為憂。則自有日求
其脩而不容已者。○滙參。必如此。方說得日新。意出。
又按語類云。更須自體之。須把這許多說話。做自家
身上說。不是為別人說。此最說得吾字有意。
味。則憂字愈吃緊。是字也。字都落紙有聲。

子之燕居申申如也。夭夭如也。

子曰甚矣吾衰也久矣。吾不復夢見周公。兩矣字感慨

語類戴少望謂顏淵子路死。聖人觀之。人事。鳥不
至。河不出圖。聖人察之。天道。不復夢見周公。聖人驗
之。吾身。夫然後知斯道之果不可行。而天
之果無意於斯世也。曰這意思也。發得好。

子曰志於道。據於德。依於仁。游於藝。

語類自志於道。至依於仁。是從粗入精。自依於仁。至
游於藝。是自本兼末。能依於仁。則其游於藝也。蓋無
一物之非仁矣。○紹聞編此章。只是一個做聖人之
心。工夫益進。但初來生而後漸熟。初來猶是兩片。後

來方是
一物爾。

子曰自行束脩以上。吾未嘗無誨焉。

子曰不憤不啓。不悱不發。舉一隅不以三隅反。則不復

也。

子食於有喪者之側。未嘗飽也。子於是日哭。則不歌。

此見聖人萬物一體。
養疴疾痛。息息相關。

子謂顏淵曰。用之則行。舍之則藏。惟我與爾有是。夫子

路曰。子行三軍。則誰與。子曰。暴虎馮河。死而無悔者。吾

不與也。必也臨事而懼。好謀而成者也。

子曰富而可求也。雖執鞭之士。吾亦為之。如不可求。從

真智

卒然一問。本相托出。
○與字承上。惟我與
爾與字來。
方是點化子路。
好提醒。開合動宕。
節節通靈。

合上篇讀來。乃見
誨人不倦。

指破世情最活最冷

張曰執鞭句非是言為大僕御我亦為之立言有體何至此執鞭之士周官條狼氏掌執鞭以趨辟行人王出入八人公六人侯伯四人夾道傳呼較之抱關擊柝者勞且辱矣有志者之所不屑也其職下士故云執鞭之士

吾所好

或問言義而不言命者聖賢之事也此章之意亦為中人而發耳如曰死生有命富貴在天求之有道得之有命夫豈不言命乎韓魏公有言富貴貧賤自有定分枉道以求徒喪所守蓋得此章之意中人以曉之庶其易知而有信耳

李岱雲曰天下管管皆求富之人即言不可求當從所好彼亦未必見聽惟既是個士尚惟富是求不從為所好為可惜耳蓋志道之中頗有卑賤下品不得代為迴護也知此則執鞭不必定有其事而實有其心動容周旋渾身都是故執鞭之士句為此章眼目

子之所慎齊戰疾

精義君子之所當慎者孰有大於是三者是故孔子齊必變食必也臨事而懼好謀而成康子饋藥未達不敢賞蓋其慎之如此

神契有味至此

衛君衛國之人皆以之為君

真受用

見性不見遇

學易心法滿盤託出○人生動息酬

子在齊聞韶三月不知肉味曰不圖為樂之至於斯也

冉有曰夫子為衛君乎子貢曰諾吾將問之入曰伯夷

叔齊何人也曰古之賢人也曰怨乎曰求仁而得仁又

何怨出曰夫子不為也

子曰飯蔬食飲水曲肱而枕之樂亦在其中矣不義而

富且貴於我如浮雲

張曰此與顏子簞瓢章不同彼是夫子激贊顏子須說得樂字身分高方襯得賢哉口氣此章夫子自敘只好平平言人之境遇不一胸中有真樂趣不為物繫累但覺時而專吾學樂此不疲時而適吾性樂足忘憂不但處恬愉曠蕩之境而吾樂在即憔悴不滿意之甚樂亦在其中矣

子曰加我數年五十以學易可以無大過矣

醉時是易。何曰謂之曰雅言則自言教久及辨析經意皆是○不可只指教久說。

自畫小像越老越精神

實語

子所雅言詩書執禮皆雅言也。所字皆字

輯語不是聖人立此課程亦不是偶然道及須看記者熟之平日參之同人悟得聖言大都不離近是雅字情景義指乃得○看首喝一句末又復綴一句記者指數神情唱歎不盡所字皆字也字猶有遺音

葉公問孔子於子路子路不對子曰女奚不曰其為人

也發憤忘食樂以忘憂不知老之將至云爾。小心齋劄記學者第一要憤語曰發憤忘食須知只這憤字便做成孔子云爾字極尋常極平易息心體味正極精深此所以為聖人自道語

子曰我非生而知之者好古敏以求之者也。

閑則哲曰正是生知知好學也○二之字當會

子不語怪力亂神

主善為師

而改之

子曰天生德於予桓魋其如予何。

子曰二三子以我為隱乎吾無隱乎爾吾無行而不與

二三子者是丘也

一丘字末句特揭是丘也分明是夫子現身說法直以無行不與的實分時解每將丘字與上文我字無字只作一例看而轉從是字着眼如云有隱非丘無行不與是我徒增絮語未見指歸游氏質諸已以實其言理最真語最辣

子以四教文行忠信

何曰世得云小學先行而後文弟子意是

却又微服過宋妙打破疑團和盤託出。一篇鄉黨是無行不與句註脚。

四書集註

論語讀一

三十一

也大學先文而後行此章是也接續看聖門施教次第方全

實心造極為聖層遞淺作

聖人之心赤子之心

全在為字上受病姚承菴曰天地聖人不過極到盡頭處所以作聖自有恆始

無心

四書集注

論語

輯語此與雅言章皆門人習久共悟而舉其大要如此在聖人固未嘗立此條規課程也四者於衆人看則有材質科分之不同於一人看則有時候次第之不一

子曰聖人吾不得而見之矣得見君子者斯可矣子曰

善人吾不得而見之矣得見有恆者斯可矣亡而為有

虛而為盈約而為泰難乎有恆矣

之難也。有恆者。義也。即從。茲可想。

之。以學。聖人君子。張敬夫以學言。要是既有質而又充

相。關。得。見。不。得。見。之。思。愈。沉。摯。有。力。○。愚。按。善。人。有。恆

故。又。從。得。見。君。子。下。於。君。子。者。就。其。中。亦。有。上。次。之。別。

切。矣。○。條。辨。兩。云。斯。可。矣。必。有。所。以。斯。可。之。故。若。將。斯。可。劃。住。了。更。思。他。做。甚。

子釣而不綱弋不射宿

除却聞見無良知除却心知無聞見

天地父母之心

字字生動何曰乎哉是喚醒非反詰

從之多見而識之知之次也

李岱雲曰取物固是義然聖人取物時便認定物在當取無不忍之念流行其中只到不綱不射宿上見則仁義分做兩箇矣須知洪氏不得已三字中便有仁在却聖人當日只釣弋何嘗自解曰吾不綱不射宿也却記看冷眼看出故釣而不綱弋不射宿八字從釣弋上一滾說下而仁人之本心自見

子曰蓋有不知而作之者我無是也多聞擇其善者而

從之多見而識之知之次也

子曰遠乎哉我欲仁斯仁至矣

何曰生知之人有不待於聞見小知者衆人而欲效之則為妄作矣須補此意末句方有下落

互鄉難與言童子見門人惑子曰與其進也不與其退也唯何其人潔已以進與其潔也不保其往也

子曰仁遠乎哉我欲仁斯仁至矣

滙參斯字甚緊欲與仁初無二心至與欲非有兩候夫子言此特為遠仁者說法耳若呆向欲字至字索

四書集注 論語 讀一

解便是騎

小心齋劄記。或問當下之說。曰。我欲仁。斯仁至矣。孔子之語。當下也。今人乍見。孺子將入於井。皆有怵惕。則隱之心。孟子之語。當下也。孔子先拈出欲字。方才說。仁至。是就功夫上點本體。孟子先拈出欲字。方才說。擴而充之。是就本體上點功夫。由孔子之說。到底亦無歇手處。孔子說。便有一下手處。由孟子之說。到底亦無歇手處。孔子說。得極切實。孟子說得極圓滿。總只是要人去做。

陳司敗問昭公知禮乎。孔子曰。知禮。孔子退。揖巫馬期

而進之。曰。吾聞君子不黨。君子亦黨乎。君取於吳為同

姓。謂之吳。孟子。君而知禮。孰不知禮。巫馬期以告。子曰。

丘也幸。苟有過人。必知之。

何曰。註。孔子不可自謂諱君之惡。二句。按若作一節。題須即粘在巫馬期以告上。翻落使首句。都有情。文。

聖人聖人

既不誣天下之公論。又不失在己之

忠厚。幸不是喜有。凜然。凜懼意。

與點機趣

文不專是言。躬行。即文之根於心

張云。春秋之末。實是以文相尚。夫子鄭重切實。以立之。隄防精神。注兩互字。○文字不可說壞。方是夫子之文。

不是空空遜謝。

正唯字。與上云爾。機鋒緊湊。不隔毫芒。最

勢亦緊。死著皆活矣。言期豈不知是諱惡。然竊計又難自言。豈不知娶同姓非禮。孔子亦不肯曲辨。然又何處。此乃此時文得先著。

子曰。文莫吾猶人也。躬行君子。則吾未之有得。

輯語。躬行。君子。四字。固不可講。做君子道。行。亦不是。躬行之君子。蓋君子二字。是指君子之道。作實理看。非稱美之號也。○滙參。君子二字。但內中必以道字。看語氣。渾圖更不必添出。道二字。但內中必以道字。入言。得字。說不去矣。則字。相應。斬截。與上莫字。亦隱以相激。

子曰。若聖與仁。則吾豈敢抑為之不厭。誨人不倦。則可謂云爾已矣。公西華曰。正唯弟子不能學也。

子曰。若聖與仁。則吾豈敢抑為之不厭。誨人不倦。則可謂云爾已矣。公西華曰。正唯弟子不能學也。

宜體認
夫子能事人故能
事鬼
救世苦心
何曰此節只要痛講
奢之害大不可繫加
儉之害小一層
此摹寫兩人心境而
氣象自殊

四書集注 論語

子疾病子路請禱子曰有諸子路對曰有之誅曰禱爾

于上下神祇子曰丘之禱久矣

子曰奢則不孫儉則固與其不孫也寧固
翼註此與林放章不同與奢寧儉重在儉上探其本
也非孫寧固重在孫上防其害也○滙參此章大
旨重在名分上當時之弊全在名分不孫子春秋亦
只維持名分而已天時有弊全在名分不孫文則亦
犯上作亂靡所不為求其鄙陋無已三字自混故林
時之弊莫急於此體味晁氏不孫文而三字自得故林
不章得

子曰君子坦蕩蕩小人長戚戚
窮不能累達不能免

子溫而厲威而不猛恭而安

輯語厲與不猛與安正是形容溫威恭員相而字是
併合語非轉換語○精言此渾淪包舉將聖人一生
全像描畫在此固是就大體上看非如鄉黨一篇零
碎碎碎寫出各項小影然聖人溫威恭亦是各因時
而發譬如天地之氣寒暑晝夜寒暑晝夜之遞嬗此
太和元氣流行四時鄉黨篇是寒暑晝夜之遞嬗此
章則太和元氣流行也

泰伯第八 凡二十章

子曰泰伯其可謂至德也已矣三以天下讓民無得而
稱焉

何曰父季歷有弟之閑一露形迹便使太王有廢長立
少之嫌季歷有奪嫡干統之咎能讓而不可謂之至
德矣泰伯之不奪嫡及只在民無得而稱上定之若與
文王之至德作一箇局勢看則尚濶於事情也○或

一幅畫○畫所不到
陳滄州曰子之所以
特表泰伯者詩書中
無泰伯事止帝省其
山章曰自泰伯王季
因心則友則友其兄
去却泰伯好處不提
提起泰伯好處便有
碍大王處武周只得
不說孔子特地表出

無限深情。

二則字有捷於梓
鼓意 兩扇

是恁囑咐

啓口容聲無非至
理丙有工夫在
總是脩己以敬
語類以便須二字
代斯字好
末二句是形容活

四書集注

論語

三四

問中只指讓國於父子兄弟之間民
然無迹說天下乃後日推本而言

子曰恭而無禮則勞慎而無禮則蕙勇而無禮則亂直
而無禮則絞

君子篤於親則民興於仁故舊不遺則民不偷蒙引此
親字與下

子君說不弛其親之親同兼父母諸父昆弟
故舊即與故舊無大過之故舊同

曾子有疾召門弟子曰啓予足啓予手詩云戰戰兢兢
如臨深淵如履薄冰而今而後吾知免夫小子

曾子有疾孟敬子問之曾子言曰烏之將死其鳴也哀
人之將死其言也善君子所貴乎道者三動容貌斯遠
暴慢矣正顏色斯近信矣出辭氣斯遠鄙倍矣邊豆之

話勿泥

張見其云古注謂邊
豆行禮之事則有所
生者存焉周禮邊人
醯人是也漢陳平對
文帝決獄錢穀有主
者正是此意故宏州
集載沈約云五情各
有分域耳目各有司
存可知有司不當連
司存當連見常談考
誤

朱曰瘡曰學然後知
不足顏子只是無一
時有足心耳
何曰非徒命顏正欲
如顏子之希聖耳
張曰此章大旨寫出
一宏字

事則有司存

滙參語類云要緊處却在斯字矣字這般閑字上
竊謂本領自在斯字從前節最密或乃君子
存省察所以通徹前後而言最密或乃君子
身上斯矣就現成說工夫補在平日集註所當操存
省察云云乃是朱子為學者說法竊謂此處君子是
對下有司非必指成德故三者為脩身之要為政之
本曾子更定集註所以精審不可易

曾子曰以能問於不能以多問於寡有若無實若虛犯
而不校昔者吾友嘗從事於斯矣

說統上半截有歎羨追思意與泛論不同當時若直
將吾友說起使不見得此段光景惟虛提事在前而
因以思想便溢於言外
不獨追想兼有刻厲思齊之意不獨虛描
兼重在好學言斯人見其進未見其止意

四書集注

論語 讀一

三五

驕吝正為足觀之
念盤據胸中特以
不足觀點醒之

純養

發入猛省

善道方是直學問

八字四事錯綜交互
血脈皆通

兩不字甚斬截兩則
字甚現成

註中兩世字即以天
下言不必與上節那
字一例看

人使得其所
而不為患也

子曰如有周公之才之美使驕且吝其餘不足觀也已

何曰驕吝則無補於世而才為天地間之棄餘
有累於已而才為身心之贅餘餘字要洗發

子曰三年學不至於穀不易得也

子曰篤信好學守死善道危邦不入亂邦不居天下有

道則見無道則隱邦有道貧且賤焉恥也邦無道富且

貴焉恥也

或問小註天下有道則見當合下句看神理在則字
則字中有君子身分在淺看不得有道就天下看不
就君
子看

子曰不在其位不謀其政

集解謀非泛論乃商度可否條陳利弊有干預意故
註以任字代之謀非擅權即炫長非好事即結歡縱
於人有濟亦未免可恥不在不謀只在合下道理
上勘定從違得失尚落後一層問而告亦餘意

子曰師摯之始關雎之亂洋洋乎盈耳哉

子曰狂而不直侗而不愿慳慳而不信吾不知之矣

子曰而字是就一人身上流蕩到
何曰而字是就一人身上流蕩到
不好處去了方與古疾今亡有別
寫如字之神

子曰學如不及猶恐失之

子曰巍巍乎舜禹之有天下也而不與焉

子曰大哉堯之為君也巍巍乎唯天為大唯堯則之蕩

蕩乎民無能名焉巍巍乎其有成功也煥乎其有文章

按成功下着一也字層遞
而下有想像不盡之神

一句提綱
李云蕩蕩形其巍巍
之德民無能名極形
其蕩蕩不得從聲名
及民風渾樸上着解

閑云是秋水詩是龜
山操聞韶忘味關雎
盈耳一般神理一般
心事
不屑教誨也者是亦
教誨之而已矣

如猶二字皆心上事
不必分作兩截

真得舜禹之神

大書特書。隱然為際字立案。忽然一嘆。影落何處。合離恍惚。莫可思議。論語中章法之最奇者。

周之德空。還他周字。若露出文王便有痕。

全是首尾贊嘆處。着精神。兩綱。三而字正是聯合無開處。張曰。禹稱神禹。功績最大。夫子只言其無。

舜有臣五人而天下治。武王曰。予有亂臣十人。孔子曰。才難不其然乎。唐虞之際。於斯為盛。有婦人焉。九人而已。三分天下有其二。以服事殷。周之德。其可謂至德也已矣。

匯參武王之言。正誓師之言也。因武王。思及文王。因伐商。思及事商。因歎才難。思及至德。嶺斷雲連。此中自是深情無限。然有意牽合。非諄則支。只體味經文。見得武王十八之功。幾與五臣爭烈。而文王終守臣節。尤自隱高千古。

子曰。禹吾無閒然矣。菲飲食而致孝乎鬼神。惡衣服而致美乎黻冕。卑宮室而盡力乎溝洫。禹吾無閒然矣。

或問小註。首一句。自應從籠統中說來。中三句。於偶舉數事中。現出大禹全身分量。未句。實從三句推勘。

閒。傳道只傳心。不鋪揚功業也。

而。出無閒。直看到聖德至精。至密處。故曰。各適其宜。而字。正是閒字。豐儉適宜。在夫子眼中。非在禹意中。也。胡氏曰。舜授禹以執中。於此見其能行之。集註以為。或豐或儉。各適其宜。即各適其事也。大全云。非飲食三句。不是無閒大處。乃是無閒盡處。推其本領。皆從精一工夫。做成。皆從克艱心中。發出。非一則或豐或儉。辨得。不明守得。不定安能恰合於中。非克艱則不能。兢兢業業。無以為精一之本。又安能中。

子罕第九 凡三章

子罕言利與命與仁。此利字不是貨賄之利。即義中者。張曰。此是門弟子從旁記夫子所希益於已。即是利。

達巷黨人曰。大哉孔子。博學而無所成名。子聞之謂門弟子曰。吾何執。執御乎。執射乎。吾執御矣。

仲尼知已。若不喻其意者。然。

御屬周流事所以招承看子聞之七字宛轉淒涼

聖人俱是實在話凡註中有謙言謙辭等意俱當如是觀

衆字是關鍵

八字傳宜尼之神

張曰韓慕廬云夫子聞黨人之譽本不敢當又因其言有合於反本責實之說特舉執字以示二三子使其專於所業勿驚高遠方望溪亦謂聖人語內包涵下學之功專精之意韓能參透此旨今從之與謂門弟子句有

關照也滙參聖人望道自是所見無通言取理精故所攻無小物承之以謙則自破矣其為謙之談不攻自破矣

子曰麻冕禮也今也純儉吾從衆拜下禮也今拜乎上泰也雖違衆吾從下

子絕四毋意毋必毋固毋我

輯語聖人難形容記者尋出反托之法如畫雪者染空地畫月者渲旁天皆是無中生有不但聖人不知何四件并不曾有絕四件事也四件是極粗名目如

擡出天字纏綿悱惻聲調音節如鳳鳴龍吟響徹九霄聞者神往或謂於危急時以安門弟子之心而實理亦是如是

何曰固天縱之四字須一頓聖是夫子所不居然始是矣方得答問口氣

夫子語似為太宰言意却是為子貢天縱言集註非以聖而無不通也正隱觀此旨固字又字是分畫不

推到極盡處方是孔子之母

子畏於匡曰文王既沒文不在茲乎天之將喪斯文也後死者不得與於斯文也天之未喪期文也匡人其如予何

大宰問於子貢曰夫子聖者與何其多能也子貢曰固

天縱之將聖又多能也子聞之曰大宰知我乎吾少也

賤故多能鄙事君子多乎哉不多也宰曰子云吾不試

故藝不試句有惜此道不試於天下祇以藝寄此身意正折鄙事二字

張曰此章與大哉孔子承之以謙皆實語也吳太宰贊出於心悅誠服夫子承之以謙皆實語也吳太宰極淺小人也小有才幹卒亡吳國彼以多能為聖所見

是合併太宰以多能
為聖。重在多能。子貢
謂又多能。重在聖。

其字須坐得實。
亦把自家心體和
盤託出矣。

自然。然而。在兩必字
上見。

之詞。皆由衷之說。謂前後不相背也。
一條。辨首節。夫子二字。畧頓。聖者。與何。其多能也。當作
能耳。分明。將聖字。納入。
多能。即多能。便是聖也。

子曰。吾有知乎哉。無知也。有鄙夫問於我。空空如也。我
叩其兩端而竭焉。

何曰。吾有知乎哉。五字。即在下截。有問必答。處生出
○程子曰。無知也者。盡以告人。他無知也。與吾無隱
乎。爾同。○鄙夫。固空空。然義理本其
所自具。叩而發之。則可盡。以相告矣。

子曰。鳳鳥不至。河不出圖。吾已矣夫。

子曰。齊衰者。冕衣裳者。與瞽者。見之。雖少。必作。過之。必
趨。

聖人一切俱當作如
此看。

立卓境界。末由光
景。
二我字。須思。上八字
泛說。
既字。連下。不屬上。
句。句。是喟然神吻。
末由。即在卓爾裏看。
非有兩境。

輔氏曰。聖人之心。寂感自然。內外如一。方其未感也。
如止水。如明鑑。一有所感。則隨感而應。故愛之心。感
於內。而作趨之容。見於外。皆
自然。而然。不知其所以然也。
義府。謝顯道。常令朱子發聽。論語。首舉此章。及師冕
見章。曰。聖人之道。無微顯。無內外。由灑掃應對而上。
達天道。本末一以貫之。
一部論語。只恁地看。

顏淵喟然歎曰。仰之彌高。鑽之彌堅。瞻之在前。忽焉在
後。夫子循循然。善誘人。博我以文。約我以禮。欲罷不能。
既竭吾才。如有所立卓爾。雖欲從之。末由也已。

馮少墟曰。人皆有為聖人之才。只是不肯竭。竭之便
幾於聖人。顏子得力處。在一竭字。世儒受病處。在一
罷字。
饒氏曰。博學於文。約之以禮。是我自去博約。以學言
也。博。我以文。約。我以禮。是夫子博我。約我。以教言也。

不得不可以為悅無財不可以為悅

善問用之則行舍之則藏所以為待也

尊主之意

馬氏曰博文約禮天子教人之法皆然惟子淵求道之力認道之真有以見夫子之為我設爾

子疾病子路使門人為臣病間曰久矣哉由之行詐也

無臣而為有臣吾誰欺欺天乎且予與其死於臣之手

也無寧死於二三子之手乎且予縱不得大葬予死於

道路乎上節以理責之此又原情度勢以曉之

子貢曰有美玉於斯韞匱而藏諸求善賈而沽諸子曰

沽之哉沽之哉我待賈者也

子欲居九夷或曰陋如之何子曰君子居之何陋之有

或問程子謂所居則化何陋之有聖人之事也張子謂忠信篤敬蠻貊可行學者之事也

子曰吾自衛反魯然後樂正雅頌各得其所

是個中庸

何曰注無一息之停不已也道體之本然全體也莫如川流一事也時時有察慎獨也無時之閒斷絕亦不已也

輯語樂兼聲音文物言雅頌者樂之文也故此章重樂不重詩上說樂正舉其全雅頌得所就樂正中舉其大者言耳樂之一目雖不止文義然文義之失為大故兩句是一綱而雅頌得所

子曰出則事公卿入則事父兄喪事不敢不勉不為酒

困何有於我哉上三句存天理

語類此說本卑非有甚高之行然工夫却愈精密道理却愈無窮故曰知崇禮卑又曰崇德廣業蓋德知

雖高然踐履却只是卑則愈廣

子在川上曰逝者如斯夫不舍晝夜

艾曰此章當與中庸上下察夫子喟然與點孟子勿忘勿助參看說水說天運說物生說心體皆道也充其說皆可以立教然莫如道字渾全也然從來未有人也聖人分明謂道體不息若斯水也然從來未有人

從一簣上轉關有無限開發。先說止後說進絕妙鼓舞。

不惰就在語之處見

字字痛哭

子曰吾未見好德如好色者也

子曰譬如為山未成一簣止吾止也譬如平地雖覆一

簣進吾往也

輯語開口便着譬如二字則為學之義已在言先

子曰語之而不惰者其回也矣

語之諸賢所同不惰則惟回所獨

子謂顏淵曰惜乎吾見其進也未見其止也

子曰苗而不秀者有矣夫秀而不實者有矣夫

滙黍苗自宜秀秀自宜實不秀不實物理所不宜有亦人情所必不欲有然而竟有兩有矣夫當頭棒喝

破處

不足畏警之也非絕之也

各開說無交互意

一頓一折令人悚然

是激發語非絕望語

終身字只是記者從他意思上形容分明書出一箇足字是道即指不伎不求

動魂驚心致為森悚作意外惋惜者非

子曰後生可畏焉知來者之不如也四十五而無聞焉斯亦不足畏也已

子曰法語之言能無從乎改之為貴異與之言能無說

乎繹之為貴說而不繹從而不改吾末如之何也已矣

子曰主忠信毋友不如己者過則勿憚改

子曰三軍可奪帥也匹夫不可奪志也

子曰衣敝緼袍與衣狐貉者立而不恥者其由也與不

伎不求何用不臧子路終身誦之子曰是道也何足以

臧何足以臧用上用字用之以進取則臧用之以自多則不臧矣

而言與註中道字別

人有不為也。而後可以為

使人自考

此指現成之知仁勇

雁參詩詞從上其由也與唱嘆而下與荷蕢之高詠
厲揭兩言同一聲情非如他處上有詩云下有找句
當年偶爾會心衝口而出嘉予之中正復深情無限
但將詩句作意長吟下節兩重早已反照入江翻石
壁矣

子曰歲寒然後知松柏之後彫也

雁參聖人此言只是教人為松柏耳並非從不知
起見後人誤會為後知嘆息為松柏感憤作悲涼激
楚之音去之遠矣。○知字只當一見耳。看本無甚深
意謂松柏之後彫。直至歲寒乃見耳。觀集註云然後
君子平時所守乃見其義自明。至其所出彫者自彫
有平時本領在。到得歲寒水落石出。所以能後者自
者自不彫。非松柏自異也。

子曰知者不惑。仁者不憂。勇者不懼。

語類問君子道者三。次序何以異。曰成德以仁為先。
進學以知為先。此誠而明。明而誠也。問中庸言三德

之序如何。曰亦為學。言也。問何以勇皆在後。曰末
後做工夫。不退轉。此方是勇。○雁參按朱子在後。曰末
重見而有異。同故以此為學之序。實則皆成德事也。
但彼處統屬君子。故以仁居先。此三項開說。故知居先。
究竟不惑不憂不懼。亦惟現成。知仁勇者乃
能之。本文只渾說學之序。畧見大意。可耳。

子曰可與共學。未可與適道。可與適道。未可與立。可與

立。未可與權。

唐棣之華。偏其反而。豈不爾思。室是遠而。子曰未之思

也。夫何遠之有。

雁參詩言思子曰未思。詩言遠。子曰何遠。固是借其
言而反之。而詞氣渾然。含蓄不盡。云只是不思。那得
有遠。中間更着一字。不得若叫破。未思。故遠。能思。便
不遠。神味索然矣。至於上節。思人。下節。思義。固。有
之。然必鑿然。劃開。正恐當年。只借詩詞。略
作點綴。程子所謂。意思深遠。或不宜然。

張云。此是入德層次。學者知此。可以日進。自強。教者知此。可以因人造就。可與未可與。指其入言之也。

看詩如此。看法纔會看詩。

鄉黨第十

語類鄉黨一篇。自天命之謂性。至道不
可須臾離也。皆在裏面。許多道理。皆自
聖人透出來。惟聖人做得甚分曉。人見之無
是以紀之詳也。○慶源輔氏曰。聖人之道。無精
粗。無本末。皆自此廣大心中流出。但愈細則愈
密。愈近則愈實。○四書通。鄉黨形容夫子之一
動一靜。而直遂。其辭者曰。如曰。似。隨時變易。而無非道之直
在。

孔子於鄉黨恂恂如也。似不能言者。其在宗廟朝廷便

便言唯謹爾。

或問小註合兩段看方見聖人全體。○義府恂恂如也。唯謹於便便內見之。俱只是下句找足上句。

朝與下大夫言侃侃如也。與上大夫言誾誾如也。君在

張曰。按輔氏所言。正可為吾無行而不與二三子者。章下一註。脚蓋門人一向於高遠神妙中求夫子。自經此番提撕。乃知聖人作止語默無非。至教此鄉黨之所以作也。

蹴踏如也。與與如也。

蹴踏與與兩句合看。所謂恭而安也。禮大夫辨色入朝。君日出而視之。故另加君在二字。

張曰。與上大夫下大夫言。已包在上節便便二字內。但謀國最要。和衷不是一明辨可了。又分別位次言之。闔閭者。明辨處。侃侃。即是謙和氣。意重在此。下大夫位相等。侃侃。即是明辨替字。不是粗直。

君召使擯。色勃如也。足躩如也。揖所與立。左右手。衣前

後。簪如也。趨進。翼如也。賓退。必復命曰。賓不顧矣。

色勃。足躩。被命之初。揖與趨進。行禮之際。賓退。禮畢之後。皆天理之節文所當然。至於揖之。左右衣之前。後手之翼。如皆禮文之至。末聖人無不中禮。感德之至也。

困勉錄。謂總註擯相二字。未見着落。竊謂出而傳命。是為擯。入而以禮詔。侑則擯介。皆為相。周初司儀注考。

入公門。鞠躬如也。如不容。立不中門。行不履闕。過位。色

勃如也。足躩如也。其言似不足者。攝齊升堂。鞠躬如也。

屏氣似不息者。出降一等。還顏色。怡怡如也。沒階。趨進。

一幅早朝圖

全要得他從容中道氣象

又一幅出使圖儀禮節畧

處處傳神

四書集注

論語

四四

翼如也復其位蹶如也

說統此章以出入二字為關鍵。入有入門過位升堂三節。出有降階沒階復位三節。上是君漸近而敬有已。始是君漸遠而敬無。

執圭鞠躬如也如不勝上如揖下如投勃如戰色足踏

勃如戰色秋肅也。轉為有容為愉愉春溫乎。真是四時之氣備於一身而記者之筆亦甚工矣。

將君命也。既聘則漸以和達君意也。胡氏曰非敬無為。盡聘問之禮。非和無以通聘問之情。愚謂執圭而為敬。自不待言。享禮則無敬而將之以和。私覲則和而人動容中禮處。

君子不以紺緌飾紅紫不以為褻服當暑袷絺綌必表

張曰褻裘亦楊楊以深衣外之深衣左右皆同內之裘於右手略短俾其輕以便作事。今之匠局作用右臂之鐵輕於左。即此意。不然衣服附在吾身。一長一短。偏而不舉。此何禮哉。褻字對禮服。非私褻也。

四必字。且着眼。

精神在十七個不字上。

而出之。緇衣羔裘。素衣麕裘。黃衣狐裘。褻裘長短。右袂

必有寢衣。長一身有半。狐貉之厚以居。去喪無所不佩

非帷裳。必殺之。羔裘玄冠。不以弔。吉月必朝服而朝。何

李云緇衣三句。俗分朝聘祭服。非是。此包禮服常服。言耳。蓋此節節目在裘字。不在衣服字。故注云衣以楊裘。又云。註言楊以包襲耳。○楊與襲即是一衣。袒而不盡覆其裘。則謂之楊。盡覆而不使襲見於外。則謂之襲。禮注以重也。○表裘不入公門。惡其褻也。是褻裘不楊也。

齊必有明衣布。齊必變食。居必遷坐。

四書通。此以前記夫子之容貌。此以後記夫子之衣服飲食。容貌無一定之象。故以如字形容之。而不字僅二見焉。衣服飲食有一定之則。故以必字。不字直言之。而如字僅一見焉。

食不厭精。膾不厭細。食饘而餲。魚餒而肉敗。不食。色惡

四書集注

論語讀一

四五

此章句向有不字
聖人節欲處多
孔子可謂知味矣
粗言不過日用之
常精之可通神明
之德

王云禮始論飲食
此條於節未見聖人
謹飲食之源流而以
禮節之一以為味以
行氣氣以實志順性
命之理盡仁孝之忱
養身養德其道莫先
於此

不食臭惡不食失飪不食不時不食割不正不食不得
其醬不食肉雖多不使勝食氣惟酒無量不及亂沽酒
市脯不食不撤薑食不多食祭於公不宿肉祭肉不出
三日出三日不食之矣食不語寢不言雖疏食菜羹瓜
祭必齊如也

此章非但慎重衛
生亦禮之所在

何曰祭之明日尚有釋恐分其誠敬之心第一日無
暇致膳與賜昨第二日又不可以諸父昆弟與輝胞
翟關同日故必待第三日乃遍也若出三日則留神
惠而肉亦敗矣不宿肉亦兼為已將三日不可更稽
也此君所賜可少緩當以是會之楊
氏謂家祭可以宿食矣似欠體貼

席不正不坐

四書通此曰不正不坐後曰必正席一席之微
亦致嚴於不與必之二字聖人之心無不正也

只是一個至誠

鄉人飲酒杖者出斯出矣鄉人儻朝服而立於阼階
問入於他邦再拜而送之康子饋藥拜而受之曰丘未
達不敢嘗

集解上節不以人遠而廢敬於拜送上見其
誠下節不以不飲而虛賜於直告上見其誠
何曰如親見便是誠不可泛言其禮○人字不可放
過聖人雖誠敬無所不在然亦未有非其人而概施
也蓋擇而後交久矣

殷焚子退朝曰傷人乎不問馬

義府畢竟亦問到馬只是殷焚問馬人之常情聖人
恐人救馬而傷故問人不問馬迥出常情之外有非
安排用意所能及者
門人所以謹記之

君賜食必正席先嘗之君賜腥必熟而薦之君賜生必

家殷非國殷故退朝
始知之

一部禮記

鄉黨一篇叙次變化參差中見整齊錯綜處見縝密無筆不入神無句不寫生一語而聖人之全體活現分開各節各成章法合為一節又天然章法真千古至文非聖手誰能為此

畜之侍食於君君祭先飯疾君視之東首加朝服拖紳君命召不俟駕行矣

何曰古人之堂東向北牆南牖病者本寢北牆下君來則遷於南牖下使君自東入堂南面視已則人臣雖病亦不失北面之意矣詳見四書叢說伯牛有疾章

徐思曠曰此章書節節有君字便見處處有禮字在○按聖人朝常大禮已見入公門節此節只就君前飲食起居無往不敬不以常變而有殊乃益見聖人中禮之妙正記者善觀聖人處

入大廟每事問

朋友死無所歸曰於我殯朋友之饋雖車馬非祭肉不拜

四書通朋友以義合當殯而殯義也當饋而饋亦義也義所當為不可辭義所當受不必拜

何曰私箋云祭肉則拜正以形容車馬之不拜按義理如此不是空空形容

寢不尸居不容見齊衰者雖狎必變見冕者與瞽者雖

褻必以貌凶服者式之式負版者有盛饌必變色而作

義府聖人即天變聖人安得不變舜烈風雷雨不迷見知天之至夫子迅雷風烈必變見事天之誠○

迅雷風烈必變

升車必正立執綏車中不內顧不疾言不親指

色斯舉矣翔而後集曰山梁雌雉時哉時哉子路共之

通章重一時字色舉翔集即得時處記此於鄉黨末蓋以孔子聖之時所契無非時也

三嗅而作

滙參夫子為聖之時鄉黨一篇本自散散說來節節藏一時字到此結穴却不與明言只就夫子歎山雉

每於變字加必字雖變而不失其常○此變正是常他人不覺

每於變字加必字雖變而不失其常○此變正是常他人不覺

之時點出識得破時時哉時哉分明是夫子靜不道然
 却須會得大易艮象時止則時分則行則行動靜不道然
 其時其道光明乃見聖人全體或但行則行幾遠害為
 言便小覷了時字任說得高深元妙只是沉遠害為
 與聖人分上無涉故須精熟鄉黨全篇觸處無非
 德盛禮恭從容中道這字方見得真道得實無非
 心知錄仕舉二句即聖人處子並鳥字不露為妙色
 舉即唯仕舉二句即聖人處子並鳥字不露為妙色
 也曰唯仕舉二句即聖人處子並鳥字不露為妙色
 可作孔子贊語曰帝王也時哉不覺和盤托出亦
 自動知幾之感是宜論語者真容也
 與學而時習之相應記論語者真容也

四書集益卷三終

